



Naalagaaffimmiit akisussaaffiit sorliit pitsaasumik angerlaanneqarsinnaanerik allattorsimaffimmik imaqartumik Naalakkersuisut nalunaarusiussasut peqquneqarnissaanik Inatsisartunut siunnersuut. Nalunaarusiaq akisussaaffiit angerlaanneqartussat tamarmik immikkut aningaasatigut kingunissaanik imaqassapput taamatullu akisussaaffiit angerlaanneqarnissaannut tigussaasumik piffissalersorlugit. Nalunaarusiaq piareereersimassaaq Inatsisartunullu tunniunneqareersimassalluni UKA2024 nallertinnagu.

(Inatsisartuni ilaasortaq Anna Wangenheim, Demokraatit)

(Siullermeerneqarnera)

Naalagaaffimmiit akisussaaffiit ullumikkut ingerlanneqartunut suut piginnaasat pisariaqartinneqassanersut tigussaasumik ersarissarneqarnissaat anguniarlugu Rigsmyndighed aningaasaliinissaa aammalu Namminersorlutik Oqartussat qanimut suleqatigalugit nalunaarusiamik suliaqassasut siunertarlugu Naalakkersuisut Rigsmyndighed attavigissagaat piumaffigineqarnissaat pillugu Inatsisartunut aaliangiiffigisassatu siunnersuut. Nalunaarusiaq piginnaasatigut ineriartortitsinissamat pilersaarummik imaqassaaq, uagut maani Kalaallit Nunaanni akisussaaffiit angerlaannissaannut piginnaasatigut pisariaqartitassatsinnik ersarissaasussanik.

(Inatsisartuni ilaasortaq Anna Wangenheim, Demokraatit)

(Siullermeerneqarnera)

Namminersorlutik Oqartussat Naalagaaffillu aningaasatigut inissisimanerat immikkut sammillugu, Namminersorneq pillugu Inatsi kukkunersorneqarnissaa pillugu isumaqatiginninniarnissat aallartinnissaat anguniarlugu, Naalakkersuisut Rigsmyndighed attaveqarnissaat pillugu Inatsisartunut aalajangiiffigisassatut siunnersuut.

(Inatsisartuni ilaasortaq Jens-Frederik Nielsen, Demokraatit)

(Siullermeerneqarnera)

Qujanaq Demokraatit Inatsisartuni ilaasortaataannut Jens-Frederik Nielsen aamma Anna Wangenheim-imut pitsaasunut ungasinnerusunullu isigisunut siunnersuuteqarnerannut.

Demokraatit kissaatigaat uagut kalaallit nunatsinni pissaaneq oqartussaanerlu tamakkiisumik nammineq tigussagipput. Iluaqutaanngilaq, Danmarkimi nunanilu allani iliuutsinik, issuaaginnartuarnerput. Inuiaavugut immikkuullarissut, nunami immikkuullarissumi najugallit, inissisimassuserput najugaqariaaaserpullu tunngavigalugit allanut sanillersuunneqarsinnaanngitsumi. Taamaattumik uagut nammineq inerniliussassatsinnik nassaarniartariaqartarpugut.

Kialluunniit qularutigissanngilaa, Demokraatit namminiilivinnissaq kissaatigimmassuk, piumavugullu ilungersuutiginnissaanut. Allatulli ajornartumik suliaq arlalinnik sammivilerlugu ingerlattariaqarparput.



Siullermik pingaarnertullu Namminiilivinnissaq iluatsilluartussatut suliarisariaqarparput. Taamaattumik isumaqarpoq, naalagaaffimmiit akisussaaffiit angerlaassornissaat aallartittariaqaripput taamaaliornikkut aalajangeeqataaneq annertusassagatsigu. Tassunga atatillugu pingaartuuvoq, misissorluarnissaa, akisussaaffiit ataasiakkaat ingerlanneqarnerannut suut piginnaasat aningaasatigullu ingerlanneqarnissai piunasaqaataanersut paasilluassallugu. Taamaattumik Inatsisartuni ilaasortap Anna Wangenheim-ip siunnersuutai pitsaasorujussuupput. Tassami siunnersuuteqarmat, sakisussaaffiup ataatsip angerlaannerani ersarilluinnartumik takussutissamik sanasoqassasoq, suut piunasaqaataanersut aammalu pingaarnersiukkamik allattuiffimmik sanasoqassasoq akisussaaffiit angerlaassorneri qanoq tullerriaarneqassanersut. Taakku isumassarsiat kingunerissagunaannaavaat, uagut nunatut naalagaaffimmiit angerlaassuinissatta aallartissinnaanera. Suliaq ukiorpassuarni uninngatiinarneqarsimasoq.

Tassunga atatillugu Inatsisartuni ilaasortamit Jens-Frederik Nielsen-imit siunnersuut aammattaaq soqutiginaruuvoq. Namminiilernissamut inatsisip kukkunerisiorneqarnissaanut Danmarkip isumaqatiginniaqatigineqarnissaa kissaatigaa, uagutsinnut Kalaallit Nunaanniittunut pisariinnerullunilu akikinnerussammat angerlaassuinissarput. Imaammammi, kikkulluunniit paaseriissagaat, Namminersulivinnissamut isumaqatigiissutip aningaasanut tunngasortai uatsinnut Kalaallit Nunaanniittunut iluaqutissartaqanngimmata aammalu nammineerlutalu aalajangeeqataanerorusunnitsinnut iluaqutissartaqarani.

Ajornartorsiutip pingaarnersaa uaniippoq, uagut nammineq angerlaassagut akilertussaagatsigit Namminersorlutik Oqartussat isumaqatigiissutaaniit akerliusumik, tassani bloktilskuddi qaffanneqarmat angerlaassatta naalagaaffiup taakkununga aningaasartuutaasa amerlaqataanik. Ajoraluartumillu kinguneruvoq angerlaassuinerit unitsinneqarsimanerannik.

Tamakku tunngavigalugit Jens-Frederik Nielsen-ip siunnersuutaa aamma tapersersornartorujussuuvoq.

Demokraatit siunnersuutit pingasut tamaasa akuerineqarnissaat ataatsimiititaliamilu susassaqtumi suliareqqinneqarnissaat innersuussutigaa.